

咱攏是家己

出場：番薯(甲)；芋仔(乙)上台行禮共逐家請安問好。

甲：五湖四海皆兄弟，無分族群攏家己。(注意動作)

乙：喂！番薯，你佇遐楚楚唸是咧唸啥物？

甲：喔～芋仔，原來是你。我是講：咱蹠佇臺灣這塊土地，攏嘛親像仝一家伙。

乙：你嘛莫半路咧認老爸。有一寡人交咱攏無仝，欲按怎講仝一裡底。

甲：欸～，哪有啥物人交咱無仝，你是毋是去看著「E.T」！

乙：啥物咧「E.T」，我是講有一寡原住民的面足怪奇。

甲：哪有這款代誌？我看你是頭敲敲共黑熊當做山豬。

乙：你才是共龍眼看做荔枝。明明 就是按呢。

甲：好啦！好啦！莫閣相諍。你講原住民的面到底是奇怪啥物？

乙： 的面畫甲若貓咪。

甲：喔～，原來是按呢。

乙：就是矣，曷無敢講無成(sing)呢！

甲：你喔～，準講毋捌食過豬肉嘛捌看過豬。

乙：毋著，我是捌食豬肉，毋過毋捌看過豬。

甲：攏精差毋成物。總講一句就是若無看電視，上無嘛加減去楚夜市。

乙：欸～彼著奇，夜市哪有豬？

甲：我是咧講你無衛生兼毋捌字。原住民彼款面是用針刺的，叫做刺面。

乙：啥物！用針刺面。你莫講予我驚死！敢講 攏袂驚疼呢！

甲：當然嘛是疼甲欲死。毋過人 感覺真歡喜。

乙：按呢敢有較嬌？

甲：今你是捌一箍芋仔番薯。

乙：曷無是為啥物？

甲：講予你捌，喙鬚好拍結。

乙：好，我耳空搥予利，聽你落下頰。

甲：會刺面的原住民主要是「泰雅族」， 是利用刺面來分別出是毋是家己。

乙：敢講 驚佇山頂去予拍毋見。

甲：當然嘛毋是，所以講第二，刺面嘛會當看出 佇族群的地位。

乙：若無刺面敢會按怎呢？

甲：若無刺面佇部落裡底是會予人看無起。

乙：原來是按呢，算你講了有理。

甲：本來就是。

乙：好，閣有一項愈新奇，就是蘭嶼的「達悟族」，查埔的穿「比基尼」。敢會看得？

甲：唬～，你真正是目睷恂恂，共 的“西裝褲”當作是內褲。

乙：啥物咧“西裝褲”？明明就是內褲。

甲：彼是「達悟族」上有傳統的文化，叫做“丁字褲”。

乙：連穿內褲也算文化，你嘛莫講予人笑破腹肚。

甲：這你就有所不知，讓我對頭來說起。

乙：好，我看你按怎彈臭屁。

甲：因為蘭嶼規年透冬差不多攞是熱甲欲死，穿按呢當然嘛較舒適。

乙：曷敢無別種褲通穿呢！

甲：因為 攞生活佇海邊，時常愛去海裡掠魚，穿丁字褲變成是真自然的代誌。

乙：敢一定攞愛穿按呢？

甲：其實你看著 穿丁字褲攞是佇傳統節慶的時，平常時穿的攞交咱仝款，無啥物新奇。

乙：聽你講起來原住民過去交咱有淡薄仔無仝款，攞是因為生活環境所致。

甲：正是，你若較捷和 相交流就袂有啥物稀奇。

乙：按呢講來講去，蹠佇這塊土地的人攞嘛是家己。

謝場：芋仔、番薯二人行禮落台，感謝恁。